

## **KE MANG A ETELETSENG PELE KEREKE?**

BUKANA YA GA

COLIN WINFIELD

Bukana ena, e kwadilwe go botsa potso: “a na re tlhoka go lemoga Jeso seshwa jaaka moeteledipele wa rona, a le esi?”

## Matseno

“Bao ba eteletsweng pele ke Mowa o o Boitshepo ke bana ba Modimo.” Baroma 8:14

Ga go ope mo makwalong a a boitshepo mo go tlhaloswang gore go etelelwa pele ke Mowa o o Boitshepo ke tlhobo. E ka nna gore menagano ya rona e lebile dilo tsa senama, tse o e leng gore di tlisa loso kgotsa menagano ya rona e lebile Mowa o o Boitshepo, yo o tlisang bophelo le kagiso. (cf Baroma 8:15-17)

Le fa e le gore re ka bua gore Jeso ke Morena wa rona, bonnete ke gore fa re sa etelelwa pele ke Mowa o o Boitshepo, e bile gape re se mo boemong ba go reetsa lentswe la gagwe ka borona, Jeso ga se Morena wa rona.

Re tlhoka Mowa o o Boitshepo gore a kgone go galaletsa le go senola Jeso go rona. Mme Jeso o tla re isa mo thatong ya Modimo Papa wa rona o o kwa magodimong. Jeso o rile ga se ka go bua fela re re “Morena, Morena” go go tlileng go re kgontsha go tsena mo mmusong wa magodimo fela go dira thato ya Rara ke gona go tla re kgontshang go tsena ka mmuso wa magodimo. (cf Mathaio 7:21)

Kereke ya Jeso keresete, e e leng mmele wa gagwe, e bonala e le bokowa e bile e kgaogane. Ponagalo ya phenyo ya Jeso e e diragetse ka lesa kwa sefaponong le matla a tsogo ya gagwe go bothata go ka e fitlhela mo go bakereseteng. Mmele wa keresete o bontsha e kare o golofetse, o bofilwe ka diketane, o palelwa ke go emelela ka matla. Ke eng se se thibelang kemelelo eo ya matla?

Bukana e e kwadilwe go tlhalosa seo se tlholang bothata jo, jo bo ntseng bo aparetse kereke dingwaga di le 2000. Ke palo e le nnye fela ya bakeresete e e nnileng le kgalalelo ya matla a Modimo, mme se se diragetse dingwaga di le nnye fela. Bontsi jwa kereke e e leng mmele wa Jeso- bontsi jwa makeresete ga ise bo bontshe bophelo le matla. Satane o kgonne go netefatsa gore kereke ka botlalo, fa e ne e simolola go tsamaya mo matleng a tsogo ya Jeso, gore e boeleng mo bokoweng le kgalofalong.

Fa re atamela kgang ya bukana eno re ka kopana tlhogo ka gore bontsi ga bo tlhologanye gore go na le tumelo ya sekeresete, e e senang bophelo le matla, mme gape go nale Sekeresete sa nnete. Ka boamaruri se ke boteng teng ba bothata, ka ntlha ya gore Satane o dirisa Mewa e e kgatlhanong le Jeso ga mmogo le bodumedi, go tlama kereke ya nnete ka diketane. Rona kereke re tsietsaga bonolo fela, ka ntlha ya gore re bona go le bonolo go tsamaya ka tsela ya bodumedi le go tshela ka dithata tsa nama. Lefa tsela ya bodumedi e lebege e kete selo sa nnete e tlhagisa maaka fela, ga e na bophelo le matla.

Fa re atamela go tla gape ga Morena Jeso, potso ke gore a mmele wa ga Keresete o tla kgaola diketane tsa bodumedi gore o gololosege? Ke dumela gore re tla kgona! Fela go kgona se, re tlhoka gore Mowa o o Boitshepo o re neye bokgoni ba go fapanya magareng ga nnete le maaka, le kitso le tlhaloganyo. Ka ntlha ya gore di tla tla fela ka tshenolo mo kitsong ya Modimo le Morena Jeso Keresete. Se re ka se fiwa fela ke Mowa o o Boitshepo.

Jaanong bukana e e ga e supi bothata fela, mme e kaela mmuisi go tiro ya Mowa o o Boitshepo jaaka Moruti wa rona a le esi. Ke Mowa o o Boitshepo yo o ka kgonang go netefatsa gore rona re le mmele wa Keresete re tshwaragane sentle le tlhogo ya rona, e bong Jeso Keresete. Ke fa re tshwaraganeng le Jeso Keresete fa a tla kgonang go nna kgosi ya rona.

## **KAROLO YA NTLHA**

### **KE MANG A ETELETSENG PELE KEREKE?**

#### **Ke Mang Moeteledipele Wa Gago?**

Ke mang moeteledipele wa gago; gape o buswa ke mang? Jeso o rile “o seka wa bitsa ope moeteledipele ka gore o nale moeteledipele a le mongwe fela e leng Keresete.” (Matheo 23:10) Mme fela ka fagare ga tsamaiso ya dikereke se go bonagala e kare se a ikgatoloswa. Fela baba ipitsang baeteledipele batla ipata ka dikwalo tsa baebele mme ba o ba eteletsweng pele bona ba iketlile fela mo maemong ano. Jannong re kgona go bona gore kereke, mmele wa Keresete, o tsamaiswa mo tseleng e e ganetsang mantswe a Jeso.

#### **Makgotla A Sekeresete**

Fa re leba makgotla a a farologaneng a sekeresete re kgona go bona gore a otlhe a agilwe ka mokgwa o o tshwanang. Fa re leba kereke ya seroma, Anglika, Presbyterian, Baptist kgotsa pentekosete kgotsa tsona di kereke tseo tsa dintlo, tse e seng kgale di tlhamiwa. Re bona gore di dirilwe ka mokgwa o o tshwanang. Le fa bontsi bo lekile gore ba dire dikereke tse di tshwanang le mokgwa wa kereke ya ntlha e e tlhaloswang mo dikwalong tse di boitshepo.

Maiteko a a go fitlhilela puso e e siameng ya kereke, e e tshwanang le mokgwa o dikwalo tsa Modimo di o tlhalosang. E nnile maiteko a a tlisitseng kutlobotlhoko e entsi, e bile ka tlhvatlhwa e e kwa godimo. Le fa go ntse jwalo, kwantle ga nako nyana e nnye, rona mmele wa Keresete ga ise re kgone go tlosa batho banama le madi jaaka baeteledipele ba rona, gore keresete a kgone go tsaya boemo ba gagwe bo bo matshwanedi.

Dikereke dingwe tse di lekileng go obamela mafoko a ga Keresete ka go tlosa batho ba nama le madi bonnong ba boeteledipele, ga ise ba amogele sentle tiro le ketopele ya Mowa o o Boitshepo. E ka nna gore Lefoko la Modimo le beilwe mo boemong bo bo tshwanetseng go ya ka Mowa o o Boitshepo kgotsa batho ba eteletsweng pele ke maikutlo a bona le pelo tsa bona, e seng ke Mowa o o Boitshepo. Se se fa thata ya nama le matimona go ekisa Mowa o o Boitshepo, mme batho ba nagane gore ba buswa ke Mowa kgante ba busa ke maikutlo a bona, le dithata tsa nama e bile ba eteletsweng pele ke matimona.

Bothata ba rona ga se fela go tlosa batho jaaka baeteledipele ba rona, fela ke go palelwa ke go etelelwapele ke Mowa o o Boitshepo.

## **Tsosoloso Ya Sezelwane**

Go tloga ka bogareng jwa dingwaga tsa 1950 se se itsiweng jaaka tsosoloso ya ntshafatso ya sezelwane se ne sa bonagala. Sena se ne sa dira gore mefuta e le mentsi e ikgetolotseng ya dikere tsa ba ba tsetsweng seshwa, e newe tshono ya go kolobetswa mo Moweng o o Boitshepo.

Tsamaiso e na ya sezelwane ga ise e tshikinye dikgetololo kgotsa kgaogano ya dikereke tseo ntse di le teng. Fela tsamaiso e, e ne ya rotloetsa badumedi go kolobetswa mo Moweng o o Boitshepo le go tlala Mowa wa Modimo. Sena se ne sa raya gore badumedi ba buswe ke Mowa o o Boitshepo ntse ba le mo makgaokgaong a ikgetololo ya dikereke.

Fela, le fa sena se dirile gore, dimpho tsa Mowa o o Boitshepo di bonwe e bile bontsi bo di batla, tiro ya Mowa o o Boitshepo jaaka Moruti le Moeteledipele wa rona ga ise go buiwe thata ka yona. Se ke ka ntlha ya gore, re tlhoka temogo ya gore batho banama le madi ga ba tshwanelwa ke go lebiwa jaaka baruti le baeteledipele ba rona. Modimo o ka dirisa batho ba nama le madi go dira tiro ya gagwe, fela Moruti le Moeteledipele wa rona, ga se batho bao Modimo a ba dirisang, ke Modimo ka sebele a re rutang e bile a re etelang pele.

Ka ntlha ya seno dikago/ dikere tseno di tlogetswe fela jaalo. Le tse dintshwa tse di agiwang, gotwe di agelwa Morena, mme fela di sa age ke Morena ka sebele, re kgona go bona gore di agilwe ka mokgwa o o tshwanang.

## **Kereke Ya Pele**

Baitseanape bangwe ba hisitori ya kereke, ba supa fa tshimologo ya mathata a rona a simolotse ke Ignatius, yo o tlleng mo tumelong ya sekeresete morago ga go utlwa thero ya Moaposele Johane, ka ngwaga wa AD 115. Ignatius o ne a kwala makwalo a le supa, go kereke yakwa Antioch a itsise bakeresete gore ba tshwanetse go tlhopa bishop e le esi, e e tla busang kereke. Bishopo e le esi godimo ga bakeresete botlhe. Tiro ya bishop ena, e ne e tla nna go tlhopa magareng ga nnete le maaka, mo dilong tsotlhe tse di amang kereke. Fa re bona sentle ke tshimologo ya fa motho a tsaya tiro le bonno ba Mowa o o Boitshepong mo kerekeng.

Seo, se ne se bonagala jaaka kakanyo e ntle, e bile se ne se dirwa ka maikaelelo a mantle, fela sene sa ganetsa nnete le lefoko la Modimo. Fa re ka letlelela tiro le thuto ya Mowa o o Boitshepo go tsewa go rona, re ka se kgone go bona phapang magareng ga nnete le maaka. Gape re ka se tsewelele go etelela ke Mowa o o Boitshepo ka fa jaanong re eteletse pele ke motho wa nama le madi.

Ignatius o ne a tswelala go tlhoma melao ya gore, bakeresete ga ba tshwanela go ja selalelo sa Morena, bishop a se teng. O ne a re “go se nne ope yo o dirang sepe se se amang kereke mobishopo a se teng”. Fa, re bona Motho a busa kereke, e bile kereke e simolola go phela ka melao ya gagwe!

Fela se, e ne e se tshimologo kgolo ya bothata bo, ka gonne Johane o ne a kwala ka mokeresete o mongwe gape pele ga Agnatus, yo o neng “a rata go nna kwa pele.” (3 Johane 9) Le Paulo o ne a tsibosa bagolo ba kereke ya kwa Efeso, gore go tla tlhaga magareng ga bona, bao ba ratang boeteledipele, mme batla gogela barutwana go nna balatedi ba bona. (cf Ditiro 20:28.32)

Kannete, Johane o kwadile gore fa kereke e ne e simolola, mewa ya o kgatlhanong le keresete e ne e setse e tsogile, e be e tlalatlala. (cf 1 Johane 2:18.19) A re lemoga gore bothata bo dirwa ke mewa ya ga yo o ganetsang Keresete (Anti-keresete).

### **Mowa Yo O Kgatlhanong Le Keresete**

Lefoko la “Anti-keresete” kgotsa yo o kgatlhanong le Keresete go le gantsi le dirisiwa go tlhalosa motho yo o tla tlhagelelang yo o tla beng a le kgatlhanong le Keresete ka nako ya metlheng ya bofelo. Motho o na o tla obamelwa ke lefatshe lotlhe kwa gongwe gape motho o o kaiwa jaaka ele senatla. (Tshenolo 13) Kgotsa monna yo o gatakanang molao. (2 Teselonika 2:3) kgotsa lonaka lo lo nnye le Daniel a buang ka ga lona. (Daniele 7, 8 & 11)

Le fa e le gore lefoko, “yo o kgatlhanong le Keresete le bonwa jaaka lefoko le o le tlhalosang motho yo o tla nnang kgatlhanong le bakeresete. Lefoko le le bonwa fela mo dikwalong tsa Johane.

Johane o re tlhalosetsa ka ga yo o kgatlhanong le Keresete gape le ka mewa e mentsi ya yo o kgatlhanong le keresete. Mme o re tlhalosetsa gore ke eng se se tla dirang gore re kgone go ema kgatlhanong le mewa ena. Johane o re supetsa go Mowa o o Boitshepo yo o mo go rona, kgotsa tlotso e e leng ka fa gare ga rona. O re itsise gore “re nale Mowa o o Boitshepo mo go rona, gape re itse dilo tsotlhe” (1 Johane 2:20).

“O tlhalosa gore tlotso e o re e filweng go tswa go Modimo e re kgomaretse. Gape ga re tlhoke ope go re ruta, mme tlotso ena e re ruta tsotle tse e leng nnete, e seng maaka” (1 Johane 2:27) Tlotso e na ke Mowa o o Boitshepo yo o phelang ka fagare ga rona!

Bakeresete ba nale bothata ka go tlhaloganya makwalo ano ka gonne a bonagatsa sentle bao ba leng ka fa gare ga mmele wa ga Keresete, bao ba naleng bokgoni ba go ruta. Fela Jeremia o bone pono, mabapi le tumelano e ntsha, gore “ga go ope yo o tla rutang ba bangwe a re; “itseng Morena. Ka gonne batla itsi Morena ka bo bona, go tswa go basha go ya go bagodi.” (cf Jeremia 31:34) Re tlhoka go lemoga gore mongwe

le mongwe yo o rutang, le fa a nale mpho ya go ruta Kereke, ga se ena tota Moruti. Fa se se rerwang kgotsa se rutiwa, se sa tsewe ke Moruti wa tota e leng Mowa o o Boitshepo go se senolo mo meweng ya rona , ga ekitla re se amogela le go se tlhaloganya ka mewa ya rona, mme se tla nna molaetsa fela mo ditlhaloganyong tsa rona. Re tla se utlwa fela jaaka molaetsa mme se ka se tlise bophelo go mewa ya rona.

### **Keresete Le Yo O Kgatlhanong Le Keresete**

Mafoko 'Keresete' ka segerika le 'Messiah' ka sehebero a raya gore 'yo o tloditsweng'. Fa re tsalwa sesha, re be re nna dibopiwa tse di ntshwa re bona Keresete mo go rona ka kgalalelo. (Bakolose 1:27) Ke bapotswe le Keresete, ga e sa tlholo e le nna yo o tshelang, fela Keresete o tshela mo go nna. (Bagalati 2:20). Paulo o re itsise gore fa re sena Mowa wa ga Keresete, ga re ba Keresete. Gape fa keresete a le mo go rona, mewa ya rona ya tshela ka ntlha ya tshiamo ya Keresete (Baroma 8:8.10). Ka jaalo re iphitlhela re na le tlotso, e le bopaki go rona. (1 Johane 5:10)

Fela jaaka Johane a re lemosa ka mewa ya yo o kगतlhanong le Keresete, gape o re itsise ka ga tlotso e e tswang mo go Keresete yo o ka fa gare ga rona. "A re mogaka ke keresete yo o ka fa gare ga lona, go gaisa yo o kwa lefatsheng." (1 Johane 4:4)

Fa re re Yo o kगतlhanong le Keresete, re raya anti-keresete. Sena se tlhalosa yo o kगतlhanong le keresete kgotsa yo o ipeileng boemong jwa Jeso Keresete. Se kaya gape mongwe yo o itirang Keresete, mme fela ele Keresete wa maaka. Ka Setswana sa gompiano re raya Keresete wa fong kong, o lebege e kete ke wa nnete, fela ke wa maaka.

Johane o golaganya baporofeti ba maaka le mewa ya yo o kगतlhanong le Keresete.(1Johane 4:1) Gape re a itse gore baporofeti ba maaka ba le bantsi le bo Keresete ba maaka batla tsoga, mme batla dira metlholo pele ga go boa ga Morena. Ba dira jalo go faposa le bao ba tlhopilweng. (Matheo 24:24).

Jaaka Kereke ya pele e lemogile mewa ena ya yo o kगतlhanong le Keresete, le metlheng e ya bofelo re santse re bona mewa e e faposa ba le bantsi mo tseleng ya tshiamo.

Ke fa re kgomaretse Keresete Jeso, re tshela ka ena le go etelelwa pele ke Mowa o o Boitshepo re tla kgonang go fenya Moweng. Ka jaalo a re netefatse ketopele ya ga Jeso Keresete, gore Jeso a kgone gonna Morena wa rona, Tlhogo ya rona le Kgosi ya rona.

Ke sona seo se dirang gore satane a tsietse kereke, go ganetsa tlotso ya ga Keresete e e ka fa gare ga bakeresete botlhe. Mme go latela ketopele ya batho e seng ya Morena yo o ka fa gare ga rona botlhe. Sena se ganetsana le thulaganyo ya Modimo mo tumelanong e ntsha.

## **Tumelano Ya Modimo E Ntsha Le Ya Kgale**

Go botlhokwa gore re kgone go lemoga gore thulaganyo le ditaelo tsa Modimo pele Jeso a tla, ga di tshwane le tsa ga morego ga gore Jeso a tle.

Ka fatlase ga tumelano ya kgale pele Jeso a tla, batho ba Modimo ba ne sa tsalwa seshwa ka semowa, ka jalo ba ne ba ka se kgone go etelelwa pele ke Mowa oo Boitshepo. Modimo o ne a bua le batho ba gagwe a dirisa baporofeti, le dikgosi le baruti ba nama le madi. Thulaganyo ya Modimo e ne e tshwana le ya lefatshe mo e leng gore, go fitlhelwa tatelegano ya maemo, ebile batho ba senama e ne e le bone baeteledipele.

Fela ka fa tlase ga tumelano e ntsha, thulaganyo ya Modimo e fetogile. Ga go sa tlhole go nale baruti ba ba emang magareng ga Modimo le batho, ka ntlha ya gore bakeresete botlhe ke baruti. (1 Pitoro 2:9) Mo tlase ga tumelano e ntsha go na le kgosi e le ngwe fela, Morena wa rona a le esi fela e leng Morena Jeso. Botlhe re bo morwarre. (Matheo 23:8)

Mo go Numeri 16 re buisa gore Korah o ne a nna kgalhanong le thulaganyo ya kgale ya Modimo. O ne a tletleba gore Moshe le Arone ba ne ba iphile maemo a kwa godimo mo go baneng ba Iseraele botlhe. Fela thulaganyo eo le maemo a bona a ne a dumeletswe ke Modimo. Tletlebo e, ene e le kgalhanong le thulaganyo ya Modimo, e bile e leka Modimo. Jaanong, thulaganyo e ntsha ya Modimo e farologana le ya kgale. Thulaganyo ya gagwe e ntsha e e siameng ke gore botlhe bana ba Modimo banne mo boemong jo bo lekanang, jaaka bo Morwa Rre. Juta o re tsibosa ka gore, “kotsi e mo go rona fa re ka fitlhelwa re leka go lwantsha Modimo jaaka Korah.” (Juta 11) Ga ree gore re tshwanetse go itemogela baeteledipele, fela re tshwanetse go netefatsa gore thulaganyo e ntsha ya Modimo, e tseletswa ka maleba.

## **Tatelano Ya Maemo Kgotsa Nyaya.**

Kwa ditirong kgotsa kwa lefatsheng fa re le karolo ya tatelano ya maemo ga gona molato. Re tshwanetse go obamela ba molao wa lefatshe. (Baroma 13) Fela fa e tla go kereke Jeso o rile, “Baeteledipele ba lefatshe ba rata go ipusa ka balatedi ba bona, fela go lona go se nne jalo, yo o batlang go nna le boemo jo bo kwa godimo magareng ga lona, a e nne lekgoba la bothle”. (Matheo 20:25.26) Ga gwa tshwanela go nna le yo o ratang go busa, mo kerekeng.

Jeso o re itsise gore re sa bidiwa bo Rabi (baruti), ka gore Moruti wa rona o mongwe fela, e leng Keresete ka sebele, mme rona botlhe re bo MorwaRre. Jeso o ne a re, “le seka la bitsa ope ntate mo lefatsheng, ka gonne Ntate wa lona o esi fela kwa magodimong. Gape o ne a re, “lo se ka la bidiwa baeteledipele, ka gonne Moeteledipele wa lona o esi fela, e bong Keresete. Yo o iphang boemo jo bo kwa godimo, o tla isiswa kwa tlase, mme yo o fatlase o tla isiwa godimo. (Matheo 23:8.12)



Jaanong re a bona gore botlhe, re bo MorwaRre, re karolo ya Kereke ya Jeso Keresete, e e senang tatelano ya maemo, mo go motho mongwe a sa obamele motho mongwe. Se se ganetsana le se se dirwang kwa dikerekeng, ko go fitlhelwang, bakeresete botlhe ba obamela moruti mongwe. Ka go dira jaana ba ganetsa Jeso go nna tlhogo ya mmele wa gagwe. Jeso e tla nna tlhogo fela fa bana ba Modimo ba buswa ke Mowa o o Boitshupo, e seng go buswa ke baruti.

Ba ba iponang jaaka baeteledipele ba kereke, go le gontsi ba palelwa ke go lemoga phoso ena. Ka ntlha ya gore bona ga buswi ke ope, mme ba ipusa. Dingwaga di le dintsi thuto ena, ya go ruta bana ba Modimo go obamela baruti, e ntse e tlamile kereke ka diketane. Mme ba leloko la mmele wa Jeso, ga ba buswe ke Mowa o o Boitshupo, e bile ga ba kgone go bona magareng ga Mowa wa nnete le mewa ya maaka. Go ntse jalo bana ba Modimo ba tshela mo tsietsong. Tiestso ena e ile kwa setlhoeng ka ntlha ya gore nako ya gore Morena a boe, e atametsa.

### **Dikwalo Tse Di Molemo Di a reng?**

Mo ditemaneng tse dishwa, lefoko “Moeteledipele” le e leng “hodegos” ka Segerika le raya gore yo o bontshang tsela. Lefoko le le diriswa go kaya baeteledipele baba fofufetseng baba eteletseng pele di fofu (Matheo 15:4, 23:16). Lefoko la Segerika “kathetes” le raya moeteledipele kgotsa yo o bontshang tsela le diriswa go ‘Matheo 23:10’, fa Jeso a re laela gore re se ka ra nna seo.

Bao ba emelelang mokgwa o kereke ya gompiano e dirang ka ona ba dirisa lekwalo la la Bahebero, mo re filthelang lefoko “hegomai” le le rayang ‘go etela pele’ fela baebele ya King James e fetola lefoko le, go kaya “go busa”. Mo go Bahebero 13:7, re bolelelwa gore “re tsee bokai ba tumelo ya bao ba re eteletseng pele” mme go baebele ya King James molaetsa o na o fetotswe go kaya “latelelang bao ba le busang”!

Ga re tlhologanye bonno jwa bakaulengwe ba o ba leng fa pele ga rona, kgotsa ba o ba re eteletseng pele, go re tsamaisa tsela. Ga re a tshwanela ke go obamela seo ba se buang, e kete ke dikgosi tsa matshelo a rona. Mme fela re tshwanetse go ekisa tsela ya bona ya tumelo, ka gonne ba re tsamaisa tsela fela, ba le fatlase ga puso ya Morena wa rona botlhe Jeso Keresete.

Mo go Bahebero 13:17, mokwadi wa lekwalo o re itsise gore ‘re obamele ba o ba re eteletseng pele re ikokobetse ka ntlha ya gore ba tlhokometse mewa ya rona.’ Baebele ya King James e fetola molaetsa o na go kaya gore ‘re utlwelele bao ba re busang’. (Bahebero 13:7, 17, 24) Sena se pateletsa gore bakeresete ba tshwanetse ke go buswa ke baruti ba nama le madi mme ba tshwanetse go obamela puso ena. Fela lefoko ‘obamela’ ka Segerika ke ‘pheitho’ le kaya go ‘tlhotlheletsa’. Kobamelo e go buiwang ka yona ga e bue ka puso mme ka tlhotlheletso. (dictionary ya vine ya mafoko a baebele)

Bomorwa Rre ba ba godileng mo tumelong, ba etelela pele baba sa golang sentle mo tumelong ka go tlhokomela mewa ya bona. Fela ga ba tshwanela go dira sena ka go

tsaya maemo a baeteledipele ba matshelo a bana ba Modimo le go busa bakeresete ka gonne bona ke bonno ba Jeso.

Mo go Bahebero 13:24, mo baebeleng ya ga King James, e bua gore re tlotle batho bao ba re busang. E fetola lefoko la hagomai, le le tlhalosang bao ba eteletseng pele go re tsamaisa tsela, seo ga se dumelane le Jeso. Jeso ga rate gore barutwana ba gagwe ba busane, kgotsa ba ipuse ka gonne puso ke ya gagwe.

Labofelo, re fitlhela lefoko la Segerika “proistemi” le le buang gore, go ema fa pele kgotsa go nna fa godimo. Lefoko le le tlhalosa go ‘busa’ mo baebeleng ya King James, mo lekwalong la Baroma 12:8. Gape e tlhalosa bakaulengwe ba ba kwa pele, kgotsa b aba eteletseng kwa pele. Se se ka raya gore go etelelapele gotlhelele kgotsa go etela pele mo kopanong. Gore go nne le kutlwano mo kopanong ya kereke go siame gore mokaulengwe a le esi a ka tsamaisa kopano, fela e seng go busa. Mokaulengwe ona o etelelapele tsamaiso ya kopano go netefatsa gore Keresete o tsweletse go nna tlhogo le Morena, ya dirang ka botlhe. Gape le go netefatsa gore satane ga senye kopano eno, ya kereke. Seno ke tiro ya bagolo (bishopo) ba ba seng kwa godimo ga motlhape wa dinku tsa Jeso, fela ba eleng leloko la dinku tsa Jeso, go supa tsela. Sena ga se boemo ba goya go ile, mme ke tiro e e tlhokwang go dirwa nako ngwe le ngwe fa e tlhokagala. Seo ga se beye mogolo (bishopo) kwa godimo ga motlhape. Ka boammaruri bagolo ba netefatsa gore Jeso o mo boemong ba gagwe jo bo tshwanetseng ba go nna tlhogo le morena wa Mokeresete mongwe le mongwe. Mokaulengwe yo, a kgothatsa, a ruta e bile a rotloetsa bomorwa Ragwe ba semowa, gore mongwe le mongwe a kgone go ikutlwela Morena kabo ena, gore mmele wa Jeso o etelelwe pele ke Mowa o o Boitshepo.

Tiro e ga e tshwane le ya bagolo ba kwa dikerekeng tse di ikgetolotseng, tse di rotloetsang tatelano ya maemo. Ke nako ya go busetsa tiro e e siameng ya bagolo (dibishopo). Se ga se se se bonolo ka ntlha ya gore ba le bantsi ba ka ithopela go sala baruti ba nama le madi morago. Go na le gore ba ithute gore morena o bua jang le bona ebile baka etelelwa pele ke ena ka sebele.

### **Ditlhopa Tsa Bakereki**

Setlhopa sengwe le sengwe sa bakereki se ipha leiana. Fela go ya ka matshwanedi leina ke le lengwe le le tshwanetseng go nna teng, Ke la ga Jeso Keresete, ka gonne ga go leina lepe le lo filweng kwa magodimong le kwa lefatsheng le motho a pholoswang ka lona, mme ke la Jeso fela. Re bitsa badumedi ba ba kopanang kwa lefelong le le rileng kereke ka gonne kereke ga se lefelo mme ke rona batho ba ba dumetseng keresete Jeso. Gape re ka bitsa kereke e e kopanang kwa lefelong le le rileng, ka leina la lefelo leo, go tlhalosa gore kereke eo, keya ko kae. Fela sena ga se leina la kereke eo, mme ke go tlhalosa gore kereke ke ya ko kae, kgotsa kereke e kopana ko kae. Sekai ke gore fa kereke e kopana kwa ntlong ya Johane re e tlhalosa re re ke kereke e e kopang kwa ntlong ya Johane, e seng kereke ya Johane. Moaposetolo Paulo fa a ne a fa ditumediso mo lekwalong la Baroma o ne a re “Dumedisa le Kereke e e kopanang kwa ntlo ya ga Priscilla le Aquila” Romans 16:5. Kereke ya Jeso ga ena leina le e tshwanetseng go ipitsa ka lona!

Ka go ipha maina, digongwana di le dintsi tsa bakeresete, di beile leina leo mo boemong ba Jeso. Mme ka go dira Jalo ba tlosa Jeso gore a sa nna tlhogo. Ka gore digongwana tsotlhe di tlhomile batho ba nama le madi, mo boemong jwa go nna tlhogo ya dikereke tseo.

Fa Modimo a ne a simolola tsosoloso ya tiro ya Mowa o o Boitshepo ka dingwaga tsa 1900, kwa setarateng sa Azusa kwo motse seteropong wa Los Angela kwa nageng ya America. Morena o ne a bolelela Frank Bartleman gore ba tlile go tsaya tiro ya Modimo mo matsogong a Mowa o o Boitshepo, mme ba tlile go e dira tiro ya bona, e be ba e senya. Se se diragetse fa ba simolola go ipitsa ka leina la "Azusa street mission". Mowa o o Boitshepo o ne a tsamaya, a tlogela tsotlhe tseo. Se Modimo a neng a se batla e ne e le batho ba a tla badirisang go dira tiro ya gagwe. Modimo ka bo ena o ne a tla dira le go etelela pele tiro ya gagwe, e seng gore batho ba e tseye mo matsogong a gagwe, go e dira ya bona le go ipitsa ka leina le le sele. Frank bartleman o ne a lemoga seo.

### **Kwadiso Go Malokong**

Badumedi ba le bantsi fa ba ikamanya le dikereke, ba ikwadisa go nna beng ba leloko la kereke eo. Ba ineela go kereke eo, ka tumelano ya gore batla obamela melao ya kereke eo, le go obamela boeteledipele ba kereke eo.

Fa re tsalwa seshwa, Mowa o o Boitshepo o re kolobetsa mo go mmeleng wa Jeso, go nna ba karolo ya mmele wa Jeso, e leng kereke ya nnete. (Baefeso 4:5) "Botlhe re kolobeditse ke Mowa o le mongwe, mo go mmeleng wa Jeso." (1 Bakorinte 12:13) Seo se raya gore botlhe ba re tsetsweng seshwa re leloko la mmele wa Jeso mme re tshwanetse go rata jaaka Jeso a re ratile. (Lorato la gagwe le mo dirile gore a re swele lesa). Go ikgolaganya le se sengwe ga se taelo ya lefoko la Modimo. Go innela go kereke e e rileng le go etsa ditshepiso tsa go latela melao ya kereke e e rileng, le go kgomarela mo go setlhopa se se rileng sa kereke go kotsi. Re tshwanetse go kopa Modimo maitshwarelo gore re ikwadisitse le go ikgomaretsa go tse dingwe, e seng go Jeso yo o leng tlhogo ya kereke, e e leng mmele wa ga Keresete. Kereke e esi fela, ke mmele wa Keresete, mme botlhe ba ba tsetsweng sesha ke ba leloko la mmele wa Jeso. Fa re ne re amogela Jeso Keresete go nna Morena wa rona, Jeso o ne a re dira leloko la kereke ya gagwe, e leng mmele wa gagwe mme gape o ne a nna tlhogo ya rona. Re ipitsa ka maina a le mantsi, le go ikwadisa go dikereke tse di rileng ka gore ga re lemoge gore Jeso o re dirile kereke ya gagwe tsatsi le re mo dumetseng ka lona.

### **Lefelo La Madi**

Go tswelletsa boeteledipele ba dikereke, maloko a duela baeteledipele kgotsa baruti. Madi ana a tswa go balatedi, ka go duela karolo ya lesome. Le fa karolo ya lesome e ne e le moalo wa Modimo ko tumelanong ya kgale, go tshegetsatsa baruti baga malebetikase. Dithuto tsa tuelo ya karolo ya lesome ga di bonwe mo dikwalong tsa tumelano e ntsha. Le fa go buiwa gore Abrahamo o ne a duela karolo ya lesome (bahebero 7:4). Fela ga gona taelo e e laelang bakeresete go duela karolo ya lesome. Bakeresete ba neela go ya ka mokgwa o ba naleng bokgone. Bontsi bo buelela tuelo ya karolo ya lesome ka go dirisa dikwalo tsa kgale, fela re tshwanetse go lemoga gore

tumelano ya kgale e fitile, mme rona re tshela mo tumelanong e e ntsha, e e tsenetsweng ka madi a Jeso Keresete.

Re tshwanetse go tshegetsisa ba ba dirang tiro ya boruti, go ba neela monelo wa rona jaaka re na le bokgone. Fela ga ba tshwanela go direla Modimo ka gore ba batla madi. Jeso o re ruta gore “jaaka le amogetse ka mphiwafela, direlang ba bangwe ka mphiwafela.” (Matheo 10:8) Gara tshwanela go duela karolo ya lesome go baba dirang tiro ya boruti, re ba tsholetsisa jaaka bana ba Arone.

## **Badiri Ba Dimpho**

Go Baefeso wa bone, re itsiswe gore mohau o filwe go botlhe go ya ka bogolo ba mpho ya Keresete. O ne a fa bangwe jaaka ‘Maaposetolo, Baporofeti, Baefangedi, Batlhokomedi le Baruti, go matlafatsa kereke ya Keresete. Maikarabelo a bona ke go tlhokomela gore kereke e gola sentle, mongwe le mongwe a utlwa Jeso ka bo ena, mme Jeso e le tlhogo le Morena.

Re lemoga ba e leng dimpho tsa Modimo, fela re rata go ba naya boemo bo bo kwa godimo le go ba obamela. Re tshwanetse go obamela lefoko la Modimo le lentswe la Mowa o o Boitshepo. Gape re tshwanetse go tlhompisa tiro ya baruti, fela gara tshwanela go obamela melao ya baruti bana, kgotsa thato ya bona le puso ya bona.

Molato mogolo ke go obamela baruti, re ba dira go nna jaaka barena ba rona. Kwa dikerekeng baruti ba newa bonno bo bo kwa godimo, go nna ditlhogo tsa kereke, fela ga re lemoge gore tlhogo ya nnete ke Jeso. Re senya tiro ya Modimo ka go tsaya badiri ba gagwe mme re ba dira barena ba rona.

Re tlwaetse go obamela baruti mo e leng gore fa re sa obame, re ipona molato. Bontsi bo obamela melao ya baruti, le ditaello tsa baruti fela ga ba obamele lefoko le lentswe la Morena Jeso, yo o baswetseng sefaponong, a be a tsoswa go re naya botshelo le botho jo bo shwa.

A re gopoleng gore modiri ke modiri, moeteledipele ke moeteledipele, tse pedi tse ga se selo se le sengwe. Kwa dikerekeng go na le badiri ba e leng baeteledipele, fela go kereke e e leng mmele wa Keresete, ketopele ke ya Mowa oo Boitshepo.

Jeso o re rutila gore yo mogolo o tla nna modiri yo o tlhapisang bo morwa Ragwe ba semowa, maoto. A direla botlhe ka ntle ga tuelo mme ka lorato. A sa gatelele kgotsa go ipusa ka bana ba Modimo.

Badiri ba bangwe jaaka Baefangedi ba newa boemo jwa go nna baruti kwa dikerekeng, mme fela mpho ya Modimo go bona e se ya go ruta lentswe la Modimo. Ka jaalo re sentse pitso le mpho ya ba le bantsi. Re tshwanetse go golola banna ba, gore ba kgone go theoga bo nnong bo eseng jwa bona. Mme batla tswela ke go buswa ke Mowa o o Boitshepo, Keresete Jeso e le tlhogo ya bona.

## **KAROLO YA BOBEDI**

### **KE MANG YO O BUSANG**

“Ke tla aga kereke ya me; mme mejako ya dihele e ka se tswelele kgaatlhanong le kereke” Matheo 16:18b

#### **Ke Mang O O Busang**

Jeso o rile o tla aga kereke ya gagwe, re ka tshepa o tla dira jalo, gape mano a satane a go leka go thibela kago ya kereke, a ka se falole. Fa rona ba keresete, rona ba e leng kereke, mmele wa Jeso re letlelela batho bangwe go nna ditlhogo tsa rona, go nna ditlhogo tsa kereke, re ba tsenya magareng ga rona le Jeso. Re thibela Jeso go tswelela go nna tlhogo ya rona. Sena se tliša bosula go tsamaong ya rona ya semowa. Boteng jwa bosula bo, bo laolwa ke gore mewa ya yo o o ganetsang keresete le mewa ya sedumedi e busa go le kanakang, mme sena se ka tliša lesa la semowa. Go kgaogangwa le keresete yo e leng tlhogo ya rona, go tliša lesa la semowa, mme seo se dira gore re seka ra nna le mosola. Jaaka le tswai re iphitlhela re sa tlhole re na le tatso. Jaaka lesedi kgotsa mabone re fitlhela lesedi la rona le tletse lefifi. Jeso o rile, “Lona le tswai la lefatshe. Fa letswai le tswapogile, le tla lokwa ka eng? Ga le tlhole le na le tiro epe, fa e se go latihelwa kwa ntle le go gatakwa ke batho. Lona le lesedi la lefatshe. Motse o o mo godimo ga thaba ga o ka ke wa fitlhega. Le gona ga go ke go tshujwa lobone, lwa bewa ka fatlase ga kgameo. Lo bewa mo setlhomelong; foo lo tla bonegela bothle ba o ba leng mo ntlong. A lesedi la lona le bonegele batho jalo gore ba bone ditiro tsa lona tse di siameng, bat le ba galaletse Rraalona yo o kwa magodimong”. Matheo 5:13.16

Go kgaogangwa le tlhogo e bong Keresete, go dira gore re seka ra itse thato ya Modimo, e bile re se ka ra kgona go utlwa lentswe la Jeso ka bo rona. Re ka fitlhela re sa itemoge gore ga re tlhole re utlwa lentswe la Jeso, mme ra simolola go phela ka taelo ya nama, kgotsa mewa e e seleng. Re ka filthela gape re sa lemoge gore Morena Jeso ga a tlhole a le teng mo kopanong ya rona. Re iphitlhela re le mo kotsing e kgolo fa re sa tlhole re utlwa morena.

Jeso o ne a paka gore o tla tlhatsa kereke ya kwa Ladosia (Tshenolo 3:14.22). Jeso o ne a ba bolelela gore o eme mo mojakong, o a kokota. Fa go le yo a mo utlwang a bule mojako. Mme o tla tla dira bonno ba gagwe go bona, o tla ja le bona. Kereke yakwa Ladosia e ne e sa tlhole e utlwa lentswe la Morena. Mme Morena o ne a sa tlhole a na le bona mo kopanong ya bona, fela bane ba sa lemoge seo.

Fa Jeso e le Moruti wa rona, re kgona go utlwa lentswe la gagwe ka bo rona, ka nthla ya gore o rile “Dinku tsa me di utlwa lentswe la me, ke a ba itse, gape ba ntshala morago.” (Johane 10:27) Le botlhe ba ba ratang nnete ba utlwa lentswe la Morena. (Johane 18.37b). Go utlwa lentswe la mogapi wa rona, le go etelwa pele ke Mowa wa Modimo, ke karolo ya go tsamaya ka Mowa. Kwa ntlheng fa ne re simolola go dumela, Mowa wa Modimo o ne a paka le mewa ya rona gore re bana ba Modimo. (Baroma 8:16)

Pele re tsalwa seshwa, Mowa o o Boitshepo o ne a fetolo dipelo tsa rona go re lemosa sebe le tshiamo ya Modimo (Johane 16:8). Fa re ne re dumela, Modimo ka Mowa wa gagwe o ne a re bula menagano gore re tlhologanye Molaetsa wa gagwe. Jaaka a ne a dira ka barutwana ba gagwe fa a tsoga lesong. (Luke 24:45) Tiro ya Mowa o o Boitshepo e simolola le pele re tsalwa seshwa, fela re tshwanetse go aroganya sena, le go apeswa matla a Modimo a Barutwana ba a filweng fa Jeso a tshololela Mowa wa Gagwe go bona ka pentekosete. Ka jalo tlotso ya Modimo e e mo go rona e simolola go re ruta tsotlhe le Mowa wa nnete o simolola go re tsamaisa nneteng yotlhe, go galaetsa Jeso, ka go tsaya se eleng sa Jeso mme go se bonagatsa go rona. (Johane 16:13)

Fa modumedi mongwe le mongwe a eteletswe pele ke Mowa o o Boitshepo, kereke ka botlalo e ka etelwa pele ke Mowa o o Boitshepo. Fa kereke e ne e simolola go ne ga tlhopiwa ba ba tla thusang kwa tafoleng ya dijo. (Ditiro 6:23) Gape go ne ga itshupa go siame go Maaposetole, le kereke yotlhe go tlhopa banna ba ba tla rongwang kwa Antioch. Sena se dirilwe ka go tsamaya ka taelo ya Mowa o o Boitshepo. (Ditiro 15:22)

### **Lefelo La Kereke Yotlhe**

Re tlhoka go gakologelwa le go lemoga tiro ya kereke yotlhe, go sa dire sepe ka ntle ga bakeresete botlhe. Bakeresete botlhe ba tshwanetse go newa tshono ya go itemogela ka bo bona thato ya Modimo ka se se ba amang. Fa Moaposetole Paulo a fetsa go dira tiro e Modimo a mo romileng yona. O ne a kokwanya kereke yotlhe go ba itsise ka se Modimo a neng a mo rumile go se dira. (Ditiro 14:27) Fa go ne go simolola dikgogakgogano mo kerekeng gone ga rongwa Paulo le Barenebase go ya kwa Jerusalema, ba ne ba rongwa ke kereke. (Ditiro 15:3) Se se raya gore tsotlhe tse di amang kereke di ne di tlhopwa kgotsa go ganetswa ke kereke yotlhe. Ditshwetso tsa kereke di ne di tsewa ke kereke yotlhe ga mmogo le bagodi, e seng ke motho a le esi.

## **Lefelo La Bagodi**

Karolo ya bagodi kgotsa di bishop e kopakopantswe thata, bontsi ga bo e tlhologanye. Fa Paulo a simolola go tsamaisa efangedi o ne a nna lobaka le lo leele le barutwana ba ba shwa. Mme morago o ne a boela ko mafelong ao, go tlhopa di bishop. (Titose 1:5) Tiro ngwe ya Moaposetole ke go tlhoma di bishop. Re a bona go tswa dikwalong gore go ne go na le dibishopo. Batho ba e ne e se baeteledipele ba ba busang phutego, kgotsa ba itirile tlhogo ya kereke. E ne e le barutwana mme ba filwe boikarabelo ba go tlhokomela kereke ya Modimo e e rekilweng ka madi a Jeso, e seng go busa kereke. (Ditiro 20:28) Maikarabelo a bona ke go tlhokomela gore Jeso ke tlhogo ya phutego yotlhe, go tlhokomela gore mokeresete mongwe le mongwe o ikutlwela lentswe la ga keresete ka bo ena. Le go tlhokomela gore kereke yotlhe ka bo yona e kgona go lemoga thato ya Modimo, mo seemong sengwe le sengwe. Go fetola sena go bonolo, mme go kotsi. Baruti bangwe kwa efesu ba ne ba itirela balatedi. (Ditiro 20:30) Ka go sa lemoge, bangwe ba tsaya bonno ba Jeso, mme ba re kereke ke ya bona.

## **Lefelo La Badiri Ba Dimpho**

Jeso o file dimpho go kereke ya gagwe, bangwe ke Maaposetolo, bangwe ke Baporofeta, bangwe ke Baefangedi, gape le Baruti. (Baefeso 4:11) Re lemoga batho ba, jaaka bo morwa Rre ba rona, fela re rata go ba isa kwa godimo, re ba naya bonno jwa Jeso, re sa lemoge. Re ba letlelela ba re laola, e seng go re thusa le go retlhokomela.

Dikereke di le dintsi di buswa ke baruti ka bongwe, mme re fitlhela moruti o o rileng a busa kereke e bile a ebisa ya gagwe. Fela se ga se taelo ya lefoko la Modimo.

Ga re tlhoke mongwe go re gapa le go re tlhokomela matshelo a rona otlhe. Fa re le bashwa mo tumelong ya sekeresete re ka tlhoka gore mongwe a re tlhokomele. Fela motho yo, ga a tshwanela go busa matshelo a rona le go tsaya bonno ba Jeso mo matshelong a rona. Ga re tlhoke go nna wa leloko la kereke e e rileng ka gore re setse re le ba leloko la mmele wa Keresete, e leng kereke ya nnete. Ga ke tlhoke go nna wa kereke e e rileng ka gore fa ke amogela Jeso, ke nna wa leloko la kereke ya Modimo, e bong mmele wa Keresete.

## **Kereke Ke Eng?**

Kereke ke mmele wa Keresete. (Baefeso 1:23) Ga re na bothata go amogela sena fa re akanya kereke lefatshe ka bophara. Fela re bona mathata fa re akanya sena ka kereke mo motseseteropong. Re fitlhela makgaokgao le mekgatlho ya dikereke tsa sekeresete tse di sa dumelaneng.

Lefoko Kereke (ekkesia ka se gerika) le raya gore “ba ba biditsweng”. Kereke ke batho; ga reye kerekeng ka ntlha ya gore kereke ga se lefelo kgotsa moago, kereke ke rona. Fa re kopana, kereke ya kopana, ka gore re tempele ya Modimo, ka bo esi (1 Bakorinta 3:16, 6:19), gape mmogo ga re kopana (Baefeso 2:22). Re ka se nne ba mokgaltho yo o rileng wa kereke, ka gore fa ne re amogela Keresete re nnile ba kereke, mmele wa Keresete.

Ka gore re ngatana e le ngwe, ga ra tshwanela go ikgaoganya le bo Morwa Rre ba rona, le fa bona ba ikgaoganya le rona, ka go itira mekgatlho ya dikereke. Jeso o rapetse gore “re nne bangwe jaaka ena le Modimo ntate ba le bangwe, mme re thatafale mo bongweng. (Johane 17:22.23) Go matshwanedi gore re lemoge gore, re kereke e le ngwe fela, lefatshe ka bophara le mo metsediteropong, le fa bangwe ba ikgaoganya le rona ka go ipitsa ka maina, go obamela baruti le dithuto tsa sekeresete tse di farologaneng, gape ba simolola dikereke tsa bona.

### **Kereke Le Bogosi**

Bangwe ba etsa phapang magareng ga kereke le bogosi, fela fa ne re dirwa batho basha, re ne ra tsewa mmusong wa lefifi mme ra iswa bogosing jwa Morwa Modimo. (Bakolose 1:13) Seo se raya gore Jeso o tshwanetse go nna kgosi ya rona. Fa e le kgosi ya rona ke ena a tshwanetseng go busa le go laola matshelo a rona. Bogosi ba Jeso go rona bo lekana le borena ba gagwe.

Thero ya Bogosi jwa Modimo e e simolotseng pele Jeso a bapolwa, e ne ya tswelela go ditiro tsa Maaposetolo (Ditiro 19:8, 20:25, 28:23.31). Re tsieditswe ka go rerelwa Molaetsa wa pholoso fela, o o kopantsweng le go sa tlhaloganye sentle ga rona ga kereke. Mme ka sena re dira meago, meago ena re e agela Jeso, fela sena ga se se Jeso a se batlang. Re dira balatedi ba Jeso, go nna balatedi ba rona. Re ba dira Maloko a dikereke tsa rona, le go ba ruta go obamela melao le dithuto tsa rona. E seng tsa Jeso.

Fa re lemoga gore sengwe ga sa siama, re simolola go batlana le se se ka re nayang botshelo, fela ga re lemoge gore bothata ke gore re ikarogantse le Jeso. Ka nako dingwe go bonagala e kare re bona tsela, fela morago re lemoga gore le sona sena ga sa siama. Molaetsa wa bogosi, ga se wa pholo fela, mme o akaretsa leano la Modimo. Jaaka Jeso a re laetse, re tshwanetse go dira barutwana ba gagwe. (Matheo 28:18.20) Barutwana ke ba ba rutwang ke Morena. Jeso o rile, “Molaetsa wa bogosi ba Modimo o tla rerwa dinageng tsothe mme bokhutlo jwa lefatshe bo tlatla.” (Matheo 24:14)

Molaetsa ona o tla tlisa tlhoriso, ka gonne mewa ya yo o kgatlhanong le Jeso ga e rate molaetsa ona. Mewa ena e kgona go phedisana le molaetsa wa pholoso fela, mme ga e kgone go phedisana le molaetsa wa bogosi jwa Modimo. Molaetsa wa pholoso fela, o



tsosa maikutlo, le fa o leka go tlisa lorato. O ganetsa nnete. Fa Mowa wa nnete o sa bonwe, maaka le tsietso a simolola go tlisa lesa la semowa.

Kana pharologano ke eng magareng ga molaetsa wa pholoso fela, le molaetsa wa bogosi jwa Morena? Molaetsa wa pholoso fela, o re ruta gore keresete o swetse dibe tsa rona, mme madi a gagwe a tlisitse tshwarelo ya dibe tsa rona. Le fa Molaetsa o, o nale nnete, Bontsi bo amogela molaetsa ona, mme bo tswela go iphelela fela, go sa phelele morena, go ipusa gape go sa buswe ke Morena. Molaetsa wa bogosi ba Morena o re ruta gore Morago ga pholoso keresete o tswela gonna kgosi le Morena wa matshelo a rona. Ka gore fa re amogela keresete re amogela bogosi jwa gagwe. Mme fa re amogela bogosi jwa gagwe re amogela puso le thato ya gagwe, sena se raa gore re tlogela go laola matshelo a rona mme re amogela taolo ya keresete. Gape re bapotswe le Jeso, ra be ra swa le ena, mme morago ra tsoswa le ena. Keresete ke botshelo le botho jwa rona jo bo shwa, botho le botshelo ba kgale bo sule le Jeso. Seo se raya gore ga re tlhole re iphelela , mme re phelela Modimo ka gonne Keresete o tshela mo go rona.

Nako ya methleng ya bofelo ga e tshwane le nako epe mo dingwageng di le 2000 tse di fetileng. Dingwaga di le 2000 ntse mofero le Korong di gola mmogo, fela ka nako ya kotulo mofero o tla kopangwa mme wa fisiwa. Fela Korong e tla kokwangwa ya isiwa go Morena. (Matheo 13:30) Jeso o tlhalosa gore botlhe ba ba etsang thato ya bona batla kopangwa mme ba lelekiwe bogosing jwa gagwe, mme botlhe ba e leng ba tshiamo ba tla galalela jaaka letsatsi bogosing jwa Ntate. (Matheo 13:43)

Daniele o bonetse kwa pele nako ya methleng ya bofelo a re, “Ba ba naleng kitso ya nnete batla galalela jaaka kgalalelo ya magodimong, mme botlhe ba ba tsamaisang bangwe tshiamong batla tshwana le dinaledi. (Daniele 12:3)

Nako ya gore Morena a boe e atametse, nako ya go aroganya mofero le Korong e setse e simolotse. Dingwaga di le 40 bozelwane bontse bo bonagatsa tumelo ya go ka ntshafatsa makoko a dikereke, ka go dumela tiro ya Mowa o o Boitshepo mo dikerekeng, fela bothata ke gore badumedi ba ganetsa tiro ya Mowa o o Boitshepo mo dipelong tsa bona.

Satane o kgona go kopisa Mowa o o Boitshepo, ka go bontsha dimakatso tsa maaka. Fela satane a ka se kgone go kopisa tlotso e e ka fa gare ga rona. Go le jaalo a ka tswela a leka go tsietso mewa ya rona, a itira Mowa o o Boitshepo. Re tlhoka kitso le temogo ya semowa, gore re itse se e leng sa nnete le se eleng sa maaka. Kitso le temogo di teng, go Mowa o o Boitshepo, mme o re naya tsona.

Moaposetole Paulo o ne a rapelela kereke, fela jaalo le rona re tshwanetse go rapela thapelo eo, ya maleba, (Befeso 1:17, 3:16, Filipino 1:9, Bakolose 1:9, 2 Bathesalonika 1:11, Filimone 6).

Re tshwanetse go kopa Modimo go re naya mowa wa botlhale le tshenolo, go itse Modimo ntate le Morena Jeso keresete le gore matlho a pelo tsa rona a bulege. Re tshwanetse go tlala kitso ya thato ya Modimo Papa wa rona, ka botlhale ba mowa le kitso Moweng. Papa wa rona o batla re itse thato ya gagwe. Re tshwanetse go rapela gore lorato la rona le tlale le go gola ka dinako tsotlhe, re na le temogo ya go tlhatlhoba dilo tse e leng tsa tshiamo, gore re se nne molato go filtha ka letsatsi la Keresete (Baefeso 1:17, Bakolose 1:9, Filimone 1:9)

Mewa ya satane e kgonne go ntsha kereke mo tseleng ya tshiamo, mme go gogela kereke go tumelo e sele fela. Se ntse se diragala dingwaga di le 2000 tse di fitileng.

Dingwageng tse di fitileng tsamao kgotsa tiro ya Modimo e ne e diragala kwa ntle ga meago ya dikereke. Fela batho ba ne ba tsaya se Modimo a se simolotseng mme ba se fetola go nna kereke. Tsosoloso ya sezelwane e ne ya diragala ka fa gare ga meago ya dikereke. Bontsi bo nagana gore tsosoloso ena e tla tilsa kgolagano ya dikereke go nna kereke e le esi. Kgolagano e na ke ya maaka, ka gonne e gana nnete, ya puso ya Modimo.

Morena o simolola go bula bontsi matlho go bona matrinkwane a satane. Jeso a re “tswayang go tse di sa siamang batho ba me, ka gore dibe tsa ba ba seleng di filtha kwa legodimong” (Tshenolo 18:4.5), Fela a re itseng gore ga gona mosola fa re tswa go tse di seleng, mme e be re satle go Jeso.

Go tswa go diseleng, le go ya go Jeso, go raya gore re tshwanetse go ikoba go Morena, le go ipuwa tsothle tse ne re di dirile barena ba rona. Go raya gore go tlogela dikereke, tse e seng kereke- mmele wa Jeso. Mme e le dikereke tsa batho ba ba iphileng bonno ba Keresete mo matshelong a rona. Re tshwanetse go kopa Modimo maitshwarelo gore re neile baruti le baporofeta bonno ba Morena Jeso mo matshelong le dipelong tsa rona. Mme re tshwanetse go boela go Jeso.

Jeso o rile, “Fa Mowa o o Boitshepo a tla, o tla letsamaisa nneteng yotlhe.” (Johane 16:13) Jaaka nako ya bokhutlo ba lefatshe e atametse, maaka le tsietso a tla ya kwa godimo mo dikerekeng. Fela a rona re tla nna kereke ya nnete e bong, mmele wa keresete? Re bontsha gore keresete ke Moeteledipele wa rona, gore bogosi ba gagwe bo tlile mo pelong tsa rona?

Colin Winfield

Bukana ena e gatisitswe ka se esimane ka 1994. Ka ngwaga wa 1993 Modimo o ne a simolola go bontsha palo e le nnye, e e neng e ikobile e batla nnete ya Modimo ka ga kereke. Keresete o ne a ba lemosa Molaetsa, mme molaetsa oo, re o bona mo bukaneng ena. O ne a ba lemosa gore kgaoganyo ya mofere le Korong e simolotse.

Re ka etela, [www.colinwinfield.co.uk](http://www.colinwinfield.co.uk) go bona dikwalo tse di mabapi.

Go bua le mokwadi re ka kwalela go: [colinwinfield45@btinternet.com](mailto:colinwinfield45@btinternet.com)

Kgotsa: [pkmkoena@gmail.com](mailto:pkmkoena@gmail.com)

Mogala: 0747881772

